

Caderno da crítica

Blogue de Ramón Nicolás

Cuestionario Proust: Ramón Neto



1.- Principal trazo do seu carácter?

– A empatía.

2.- Que calidade aprecia máis nas persoas?

– A sinceridade, condimentada cun bo sentido do humor.

3.- Que agarda das súas amizades?

– Nada en particular, chega con que estean aí.

4.- A súa principal eiva?

– A dispersión e a falta de orde.

5.- A súa ocupación favorita?

– Estar con amigxs, viaxar e, entre unha cousa e outra, escribir.

6.- O seu ideal de felicidade?

– Poder compartila.

7.- Cal sería a súa maior desgraza?

– Prefiro nin sequera pensalo.

8.- Que lle gustaría ser?

– Gustaríame ter feito estudos de medicina e exercer algún tipo de profesión médica.

9.- En que país desexaría vivir?

– Onde vivo.

10.- A súa cor favorita?

– O negro.

11.- A flor que máis lle gusta?

– Calquera das flores ventureiras que medran nos terreos baldíos da miña cidade. E, en concreto, unha das poucas á que lle sei o nome: a papoula.

12.- O paxaro que prefire?

– O corvo mariño.

13.- A súa devoción na prosa?

– Teño certa predilección pola prosa norteamericana: Raymond Carver, Scott Fitzgerald, Carson McCullers, Paul Auster, Faulkner, ou Hemingway, sobre todo a súa narrativa curta.

14.– E na poesía?

– Paul Celan e Lois Pereiro.

15.– Un libro?

– *Anamnese* de Eli Ríos.

16.– Un heroe de ficción?

– Poñamos un de traxedia shakespeariana: o rei Lear e a reinterpretación que del fai Kurosawa no seu filme *Ran*.

17.– Unha heroína?

– Edna Pontellier, en *The Awakening* de Kate Chopin.

18.– A súa música favorita?

– *Ten New Songs* de Leonard Cohen.

19.– Na pintura?

– As máscaras e os esqueletos de James Ensor.

20.– Un heroe ou heroína na vida real?

– As persoas que lle fan fronte na vida cotiá a calquera tipo de discriminación, sexa racial, de orixe ou de xénero.

21.– O seu nome favorito?

– O nome de toda persoa que me brinde a súa amizade convértese nun nome favorito.

22.– Que hábito alleo non soporta?

– Cos anos vou aprendendo a soportalos máis ou menos todos.

23.– O que máis odia?

– A discriminación social, de orixe, de xénero, ou de calquera outro tipo.

24.– A figura histórica que máis despreza?

– Calquera ditador ou gobernante absolutista, independentemente da suposta ideoloxía utilizada como pretexto.

25.– Un feito militar que admire?

– Non admiro feito militar ningún, pero si teño un interese particular polo acontecido nas trincheiras da Primeira Guerra Mundial e nos seus no man's lands.

26.– Que don natural lle gustaría ter?

– Ter maior habilidade con cousas de números.

27.– De que maneira lle gustaría morrer?

– Preferiría que non fose dunha enfermidade dexenerativa que me fixera perder a capacidade da memoria e da palabra.

28.– Cal é o seu estado de ánimo máis habitual?

– Un optimismo de base matizado con pequenas doses variábeis de escepticismo.

29.– Que defectos lle inspiran máis indulxencia?

– Aqueles que teñen que ver coa dispersión e a falta de orde...

30.– Un lema na súa vida?

– Precísase ir moi lonxe para saber até onde se pode ir (Heinrich Böll).